



REPUBLIKA E KOSOVËS
REPUBLIKA KOSOVA-REPUBLIC OF KOSOVA
Ministria e Kulturës, Rinisë dhe Sportit/Ministarstvo Kulture,
Omaladine i Sporta /Ministry of Culture, Youth & Sports
Agjencia për Menaxhimin e Monumenteve dhe Komplekseve Memoriale
Agencija za Upravljanje Memorijalnih Kompleksa Kosova
Agency on Management of Memorial of the Complexes of Kosovo

Komuna e Shtimes
Opstine Stimlje
Municipality of Shtime
02-446

Në mbështetje të nenit 5 të Ligjit Nr.04/L-146 për Agjencinë për Menaxhimin e Komplekseve Memoriale të Kosovës të plotësuar dhe ndryshuar me Ligjin Nr. 08/L-063 për Ndryshimin dhe Plotësimin e Ligjeve që kanë të bëjnë me Racionalizimin dhe Vendosjen e Vijave Llogaridhëuese të Agjencive të Pavarura, nenit 22 dhe 23 të Ligjit Nr.06/L-113 për Organizimin dhe Funksionimin e Administratës Shtetërore dhe të Agjencive të Pavarura, nenit 5 të Ligjit nr. 03/L-040 Për Vetëqeverisjen Lokale si dhe Ligjit nr. 08/L-193 Mbi Ndarjet Buxhetore për Buxhetin e Republikës së Kosovës për Vitin 2023, palët nënshkruese janë pajtuar për të nënshkruar këtë:

MARRËVESHJE TË MIRËKUPTIMIT PËR BASHKËFINANCIM

PËR REALIZIMIN E PROJEKTIT “Ngritja e Shtabit të Ranzës-Shtime” NË KOMUNËN E SHITES

Palët Nënshkruese:

Agjencia për Menaxhimin e Monumenteve dhe Komplekseve Memoriale e përfaqësuar nga
z. Bislim Zogaj, Drejtor Ekzekutiv i Agjencisë

dhe

Komuna e Shtimes e përfaqësuar nga z. Qemajl Aliu, Kryetar i Komunës së Shtimes

Neni 1 Qëllimi

Kjo marrëveshje e mirëkuptimit nënshkruhet në mes të Agjencisë për Menaxhimin e Monumenteve dhe Komplekseve Memoriale dhe të Komunës së Shtimes, me qëllim të përcaktimit të obligimeve dhe përgjegjësisë të financimit të projektit të përbashkët me titull: “Ngritja e Shtabit të Ranzës-Shtime” në Komunën e Shtimes.

Neni 2 Mënyra e bashkëfinancimit të projektit

1. Projekti “Ngritja e Shtabit të Rancës-Shtime” në Komunën e Shtimes, sipas planifikimit buxhetor ka koston financiare në total prej 125,000.00 (mijë euro).

2. Agjencia për Menaxhimin e Monumenteve dhe Komplekseve Memoriale financon këtë projekt në vlerën prej 70,000.00€ (shtatëdhjetë mijë euro) për vitin 2023 dhe në vlerë prej 50,000.00€ (pesëdhjetë mijë euro) për vitin 2024, nga projekti me kod 19179 i paraparë në buxhetin e Agjencisë për vitin 2023.

3. Komuna e Shtimes financon këtë projekt në vlerën prej 5,000.00 euro, nga kodi 53557, i paraparë në buxhetin e Komunës së Shtimes, për vitin 2023.

Neni 3

Obligimet e Agjencisë për Menaxhimin e Monumenteve dhe Komplekseve Memoriale

1. Agjencia për Menaxhimin e Monumenteve dhe Komplekseve Memoriale, në pajtim me ligjin dhe këtë marrëveshje, zoton mjetet për projektin e paraparë në nenin 2 të kësaj marrëveshje dhe një kopje të zotimit e dërgon në Komunën e Shtimes për realizimin e projektit.

2. Pagesa për financimin e projektit “Ngritja e Shtabit të Ranzës-Shtime” në Komunën e Shtimes, nga Agjencia për Menaxhimin e Monumenteve dhe Komplekseve Memoriale do të ekzekutohet në pajtim me realizimin e projektit, sipas situacionit dhe raportit të Mbikëqyrësit të drejtpërdrejtë të menaxherit të kontratës dhe Menaxherit të projektit të përcaktuar nga Komuna e Shtimes.

3. Agjencia për Menaxhimin e Monumenteve dhe Komplekseve Memoriale mund të caktoj një zyrtar vëzhgues për përcjelljen e zbatimit të “Ngritja e Shtabit të Ranzës-Shtime” në Komunën e Shtimes, i cili do t’i raportojë Agjencisë.

Neni 4

Obligimet e Komunës

1. Komuna e Shtimes obligohet që për projektin “Ngritja e Shtabit të Ranzës-Shtime” në Komunën e Shtimes, në pajtim me ligjin të zhvilloj procedurat që kanë të bëjnë me procesin e tenderimit, vlerësimit dhe dhënies së kontratës.

2. Komuna e Shtimes emëron Menaxherin dhe Mbikëqyrësin e drejtpërdrejtë të menaxherit të kontratës, për realizimin e projektit si dhe për inspektimin e punimeve deri në përfundimin e projektit.

3. Komuna e Shtimes është e obliguar që të njoftoj Agjencinë për Menaxhimin e Monumenteve dhe Komplekseve Memoriale për të gjithë hapat e realizimit të projektit.

Neni 5

Kohëzgjatja e marrëveshjes

Marrëveshja e lidhur ndërmjet Agjencisë për Menaxhimin e Monumenteve dhe Komplekseve Memoriale dhe Komunës së Shtimes përfundon me realizimin e projektit.

Neni 6
Ndryshimet dhe ndërprerja e marrëveshjes

1. Palët nënshkruese, zotohen se do t'i përmbahen kësaj marrëveshje bashkëfinancimi dhe në rast të kontestit eventual apo paqartësie për zbatimin e kësaj marrëveshje, pajtohen që përmes bisedimeve, konsultimeve miqësore dhe me mirëkuptim të gjendet zgjidhje përkatëse, e në të kundërtën pajtohen që për zgjidhjen e kontestit t'i drejtohen gjykatës kompetente.
2. Për plotësimin dhe ndryshimin eventual të kësaj marrëveshje, palët nënshkruese pajtohen që të ndjekin rrugën e njëjtë si për nënshkrimin e marrëveshjes bazë.


Neni 7
Pronësia e projektit

1. Me pranim-dorëzimin e punëve të kryera nga ana e operatorit ekonomik, ky projekt i paraparë sipas kësaj marrëveshje të mirëkuptimit, do të regjistrohet në pronësi të Agjencisë për Menaxhimin e Monumenteve dhe Komplekseve Memoriale -AMMKM-së.
2. Ky projekt regjistrohet në pronësi të AMMKM-së në mënyrë elektronike dhe fizike, në sistemin e pasurisë në Ministrinë e Financave (SMIFK).

Neni 8
Nënshkrimi dhe hyrja në fuqi

1. Kjo marrëveshje mirëkuptimi është hartuar në 4 (katër) ekzemplarë identikë dhe secila palë nënshkruese merr nga dy ekzemplarë.
2. Palët nënshkruese janë pajtuar që kjo marrëveshje e mirëkuptimit fillon të zbatohet nga data e nënshkrimit të saj.

PALËT NËNSHKRUESE TË MARRËVESHJES

Bislim ZOGAJ

Drejt看 Ekzekutiv
Agjencia për Menaxhimin
e Monumenteve dhe
Komplekseve Memoriale



Qemajl ALIU

Kryetar i Komunës
Komuna e Shtimes



Datë: __.05.2023